



ELEKTROPRIJENOS BiH ЕЛЕКТРОПРЕНОС БИХ

Broj: JN-OP-299-38/2023

Datum: 28.09.2023. godine

Na osnovu člana 70. st. (1) i (3) Zakona o javnim nabavkama („Službeni glasnik Bosne i Hercegovine“ broj 39/14), člana 48. Pravilnika o javnim nabavkama „Elektroprenos – Elektroprijenos BiH“ a.d. Banja Luka, člana 67. Statuta „Elektroprenos – Elektroprijenos BiH“ a.d. Banja Luka, Zapisnika o pregledu i ocjeni ponuda broj: JN-OP-299-32/2023 od 20.09.2023. godine i Dopuni zapisnika o pregledu i ocjeni ponuda nakon e-aukcije broj JN-OP-299-36/2023 od 26.09.2023. godine, u postupku javne nabavke broj: JN-OP-299/2023 Lot 1: Nabavka linijskih odvodnika prenapona na dalekovodima za TS Višegrad, Generalni direktor „Elektroprenos – Elektroprijenos BiH“ a.d. Banja Luka, donosi

O D L U K U

o izboru najpovoljnijeg ponuđača

I

Za najpovoljnijeg ponuđača u postupku javne nabavke **JN-OP-299/2023 Lot 1: Nabavka linijskih odvodnika prenapona na dalekovodima za TS Višegrad** izabran je ponuđač BG ENERGO - TIM d.o.o. Prijedor sa ponudom broj 03-41/23 (koja je kod Ugovornog organa zaprimljena pod brojem: JN-OP-299-28/2023 dana 04.09.2023. godine), sa ukupno ponuđenom cijenom od **140.900,00 bez PDV-a (189.950,00 KM sa PDV-om)**.

II

Ova Odluka stupa na snagu danom donošenja.

O b r a z l o ž e n j e

„Elektroprenos – Elektroprijenos BiH“ a.d. Banja Luka, kao Ugovorni organ (u daljem tekstu: Ugovorni organ) na osnovu Odluke o pokretanju postupka javne nabavke broj: JN-OP-299-2/2023 od 25.05.2023. godine, proveo je otvoreni postupak javne nabavke JN-OP-299/2023 Nabavka linijskih odvodnika prenapona na dalekovodima za TS Višegrad, pokrenut objavljivanjem obavještenja o nabavci broj: 1280-1-1-103-3-238/23 objavljenog na Portalu javnih nabavki dana 26.06.2023. godine. Procijenjena vrijednost nabavke bez PDV-a iznosi 190.000,00 KM.

Za provođenje predmetnog postupka nabavke, Ugovorni organ je Rješenjem broj: JN-OP-299-3/2023 od 25.05.2023. godine, imenovao Komisiju od 5 (pet) članova.

Komisija za predmetnu javnu nabavku je blagovremeno i pravilno izvršila otvaranje ponuda dana 04.09.2023. godine, o čemu je sačinila Zapisnik sa otvaranja ponuda broj: JN-OP-299-31/2023, u kojem je konstatovano da je ukupno pristiglo 4 (četiri) ponuda i to:

1. ELNOS BL d.o.o. Banja Luka
2. EKP ELKER a.d. Ljubija
3. BG ENERGO -TIM d.o.o. Prijedor
4. NAVITAS Engineering & Automation d.o.o. Sarajevo

Komisija za javnu nabavku je izvršila pregled i ocjenu ponuda, o čemu je sačinila Zapisnik o pregledu i ocjeni ponuda, broj: JN-OP-299-32/2023 od 20.09.2023. godine, u kojem je konstatovano, da su u postupku javne nabavke JN-OP-299/2023 LOT 1: Nabavka linijskih odvodnika prenapona na dalekovodima za TS Višegrad

- Sve pristigle ponude blagovremene.

Ponude ponuđača: BG ENERGO -TIM d.o.o. Prijedor i NAVITAS Engineering & Automation d.o.o. Sarajevo, su prihvatljive, jer su u svemu ispunila zahtjeve tražene tenderskom dokumentacijom.

Ponuda ponuđača „ELNOS BL“ d.o.o. Banja Luka neće biti razmatrana od strane Komisije za javnu nabavku iz razloga što cijena iz dostavljene ponude prelazi planirana, odnosno osigurana novčana sredstva ugovornog organa za predmetnu nabavku, te se kvalifikuje kao neprihvatljiva.

Ponuda ponuđača EKP ELKER a.d. Ljubija neispunjavanje tehničkih zahtjeva navedenih u Prilogu 8 (Tehnički zahtjevi i specifikacije) te ponuda neće biti predmetom daljeg razmatranja.

(Ponuđač EKP ELKER a.d. Ljubija je u svojoj ponudi na strani 57 - Tabela 2 „Linijski odvodnici prenapona 123 kV za montažu na vodič dalekovoda sa vezom za odspajanje“ ponudio tip odvodnika SBKC 96/SH-II koji ne zadovoljava tenderskom dokumentacijom tačno zahtijevane vrijednosti pod tačkom 14. i 15.2. Pod tačkom 14. Klasa odvodnika umjesto zahtijevane SH Klase 5 ponuđač je ponudio SH Klasu 4., dok je pod tačkom 15.2. Sposobnost odvodnje toplotne energije Wth umjesto zahtijevane ≥ 14 kJ/kV ponudio 10 kJ/kV. Navedene nezadovoljavajuće vrijednosti date su i u kataloškoj dokumentaciji predmetnog tipa odvodnika prenapona na strani 74. ponude.)

Dana 22.09.2023. godine u periodu od 09:30 do 10:06 časova održana je e-aukcija koja je uspješno okončana.

Komisija za javnu nabavku dostavila je Generalnom direktoru Zapisnik o pregledu i ocjeni ponuda broj: JN-OP-299-32/2023 i Dopunu zapisnika o pregledu i ocjeni ponuda nakon provedene e-aukcije broj: JN-OP-299-36/2023 sa preporukom o izboru najpovoljnijeg ponuđača u postupku javne nabavke JN-OP-299/2023 LOT 1: Nabavka linijskih odvodnika prenapona na dalekovodima za TS Višegrad.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijumima iz tenderske dokumentacije.

Uvidom u priloženu dokumentaciju, uzimajući u obzir kriterijum najniža cijena, nesporno je da je izabrani ponuđač najbolje ocijenjen.

Zbirna tabela sa rangiranjem ponuđača za predmetnu nabavku nakon provedene e-aukcije:

Rang	Naziv ponuđača	Konačna cijena ponude u KM bez PDV-a
I	BG ENERGO -TIM d.o.o. Prijedor	140.900,00
II	NAVITAS Engineering & Automation d.o.o. Sarajevo	141.100,00

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

Prijedlog ugovora o nabavci dostaviće se na potpis izabranom ponuđaču po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Ugovorni organ će dostaviti prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama.

Ova Odluka će se dostaviti svim ponuđačima koji su učestvovali u postupku javne nabavke i objaviće se na web stranici www.elprenos.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

POUKA O PRAVNOM LIJEKU

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, na adresu:

"Elektroprenos – Elektroprijenos BiH" a.d. Banja Luka, ul. Marije Bursać 7a, 78 000 Banja Luka.

Dostaviti:

- Ponuđačima,
- Direkciji 02,
- Evidenciji.



Generalni direktor

Mato Žarić, dipl. ing. el.